



ՄԱՇՏՈՑԻ ԱՐՁԱԳԱՆԳ

Հայաստանեայց Առաքելական Սուրբ Ցակոբ Մայր Եկեղեցույ
Կիրակնօրեայ Դպրոցի Ամսաթերթ



ԺԱ. ՏԱՐԻ ԹԻԻ 8

Ապրիլ 2004

Քրիստոս յարեալ ի մեռելոց

Կիր.	Բ2.	Գ2.	Դ2.	Ե2.	Ուր.	Շաբ.
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

Յարութեան հանդէպ հաւատքի ոյժը

Որպէս Հայ, կարելի չէ Ապրիլ ամիսը ընդունիլ առանց անդրադառնալու մեր պատմութեան ամենէն ահաւոր հանգրուանին՝ Ապրիլեան Եղեռնին: Սակայն որքան որ մահ յիշատակող ապրիլեան այս տարեդարձը անուրանալի է, նոյնպէս եւս անկարելի է իբր հայ դրժել յարութեան հանդէպ մեր հաւատքին ոյժը որ յատկապէս կը շեշտուի նոյն Ապրիլ ամսուան ընթացքին՝ Քրիստոսի յարութեան յիշատակութեան առթիւ:

Յարութեան հանդէպ հաւատքը հայ ժողովուրդին մօտ ունեցած է մեծ ազդեցութիւն: Ու կարծես հայու նկարագիր դարձած է նորէն ու նորէն ոտքի կանգնիլ ամէն տեսակի ընկճումներէ ու դառն փորձառութիւններէ ետք: Վերականգնում, վերանորոգում, վերակերտում, վերաշինութիւն... եւ ոչ միայն շէնքերու կամ ինչքերու, այլ նաեւ աննիւթական արժէքներու:

Հայու նկարագրի բաղկացուցիչ տարր դարձած յարութեան հանդէպ հաւատքը պէտք է պահպանուի մեր մօտ ու ներմուծուի մեր մանուկներուն եւ պատանիներուն մօտ որովհետեւ չկայ աւելի զօրաւոր ոյժ քան այն՝ որ մեզի կը մղէ հաւատալու թէ ամէն չարիքէ վերջ բարիք կայ, ամէն վայրէջքէ վերջ՝ վերելք, ամէն դժբախտութենէ ետք՝ երջանկութիւն:

Այս առաքինութիւնը՝ հատարքն է:

4	Ծաղկազարդ
5	Աւագ Երկուշաբթի
6	Աւագ Երեքշաբթի
7	Աւագ Չորեքշաբթի
8	Աւագ Հինգշաբթի, Ոսնկուայ
9	Աւագ Ուրբաթ, կարգ թաղման
10	Ճրագալոյց Սուրբ Զատիկի
11	Սուրբ Զատիկ, Յիշատակ յարութեան
12	Մեռելոց
24	Յիշատակ Ապրիլեան եղեռնի

Յարութեան լոյսին մէջ երբ բացուինք,
դառնութիւնը կը փոխակերպուի
լուսաշինութեան, ցաւը՝ կորովի,
ընդվզումը՝ ստեղծագործութեան:

Գարեգին Ա. Ամենայն Հայոց Կաթողիկոս

Վերջին ընթրիքը Հսկումի ընթերցանություն

Ղուկաս 22.14-23

Երբ ժամը հասաւ, Յիսուս տասներկու առաքելներուն հետ սեղան բազմեցաւ, եւ ըսաւ անոնց.

- Ետ փափաքեցայ զատկական այս ընթրիքը ձեզի հետ ընել չարչարուելէս առաջ: Բայց կ'ըսեմ ձեզի, թէ այլեւս ասկէ պիտի չուտեմ, մինչեւ որ ճշմարիտ Զատիկը կատարուի Աստուծոյ արքայութեան մէջ:

Ապա գինիի բաժակը առաւ, շնորհակալութիւն յայտնեց Աստուծոյ եւ ըսաւ.

- Առէ՛ք ասիկա եւ իրարու փոխանցեցէ՛ք՝ խմելով ասկէ: Կ'ըսեմ ձեզի, թէ ասկէ ետք գինի պիտի չխմեմ, մինչեւ Աստուծոյ արքայութիւնը գայ:

Ապա հաց առաւ, շնորհակալութիւն յայտնեց Աստուծոյ, կտրեց եւ աշակերտներուն տուաւ, ըսելով.

- Ասիկա մարմինս է, որ ձեզի համար տրուած է: Ասիկա կատարեցէք իմ յիշատակիս համար:

Նոյնպէս, ընթրիքէն ետք, բաժակն ալ առաւ եւ ըսաւ.

- Այս բաժակը Աստուծոյ նոր ուխտն է, կնքուած իմ արիւնովս որ ձեզի համար կը հոսի: Բայց ահա զիս մատնողը ինծի հետ սեղան նստած է: Ծիշո՞ղ է որ Մարդու Որդին պիտի մեռնի՝ ինչպէս որ Աստուած սահմանած է, բայց վայ այն մարդուն որ զայն կը մատնէ:

Անոնք սկսան իրարու հարցնել թէ իրենցմէ ո՛վ պիտի ընէ ատիկա:

Բովանդակություն


- Յարութեան հանդէպ հաւատքի ոյժը
- Վերջին ընթրիքը
- Ես յաղթեցի աշխարհի
- Ամենէն մեծ, ամենէն սուրբ շաբաթը՝ Աւագ շաբաթը
- Անդաստան
- Պահուած բառ
- Կրօնի առնչուող հայկական անուններ
- Նկարագիր- Հաւատք
- Մեծ Եղեռնի Նահատակներուն պատուիրանը
- Մարտ ամսուան պատասխաններ եւ մասնակցողներ
- Ո՞րն է ճիշդ պատասխանը
- Սաղմոսասացութեան Մրցանքի Երեկոյ
- Կարճ լուրեր կիրակնօրեայէն

«Ես յաղթեցի աշխարհի...» Ամենայն Հայոց Գարեգին Ա. Կաթողիկոս

Յարութեան դէպքը կարենալ հասկնալու համար հարկ է հաղորդ ըլլալ այն տարածքներուն, որոնք մեր մարդկային գոյութեան խորագոյն այքերուն մէջ Աստուծոյ եւ աստուածայինին, անմահականին եւ յաիտենականին ներգոյութիւնն են: Ով որ իր մէջ անաղարտ կը պահէ այդ հոգեւոր հաղորդութեան ատակութիւնը՝ կրնայ «ըմբռնել» այդ տարածքին համապատասխան զգայնութեամբ եւ հասկացողութեամբ յարութեան դէպքը որպէս աստուածայինին ներգործութիւնը մարդկայինին մէջ:

Այդ զգայնութեան եւ հասկացողութեան անունն է **հաւատք**:

Ինչ ոյժ է սա. բայց՝ անո՛ր համար որ այդ ոյժին ներքին զգացողութիւնը, գիտակցութիւնը եւ անոր իր մէջ ու իր մէջէն գործելու նկատմամբ հարկ եղած պատրաստակամութիւնն ու ընդառաջումը ունի: Երբ մէկը ուշադրութեամբ կարդայ մասնաւորաբար Նոր Կտակարանը, Աւետարանները, Գործք Առաքելոցը, Առաքելական Թուղթերը՝ այնպէս կը զգայ հաւատքին ներկայութիւնն ու ներգործութիւնը ինչպէս արեւին լոյսը: Ծիշդ է որ մենք արեւին ուղղակիօրէն չենք կրնար նայիլ, արեւը իր արեւութեանը մէջ չենք կրնար տեսնել. եթէ փորձենք՝ կը կուրմանք: Բայց նաեւ ոչինչ կրնանք տեսնել առանց արեւին կամ լոյսին: Այդպիսի ոյժ է հաւատքը եւ այդպիսի ազդուութիւն ունի ան մարդկային կեանքին մէջ եթէ մեր աչքերը բաց են եւ կամ այլագոյն եւ



թանձրագոյն ակնոցներով եւ թանձրամած ամպերով չեն խափանուած:

Քրիստոսի յարութիւնը մահուան ժխտումը չէ, այլ մահուան նուաճումը կամ «մահուամբ մահը կոխելու» եւ մեզի «կեանք» պարգեւելու աննախընթաց, անզուգական արարքը որով մենք կ'ունենանք կարելիութիւնը մահէն չընկճուելու, այլ՝ իր տուած կեանքով, հոգեկան սրբութեան, աստուածային անմահական զօրութեամբն ու դրոշմովը մեր կեանքը իմաստաւորելու, արժեւորելու, հարազատօրէն իրագործելու, եւ զայն «երկնից արքայութեան» մէջ յաւերժօրէն ապրելու:

Ամենէն Մեծ, ամենէն Սուրբ շաբաթը՝ Աւագ շաբաթը

Հայաստանեայց եկեղեցին Ջատիկը, կամ Սուրբ Յարութեան տօնը նախորդող շաբթուան ընթացքին կը յիշատակէ Յիսուսի կեանքի վերջին վեց օրերը որոնց ընթացքին Ան խտացուց ու տարբեր տարբեր ձեւերով արտայայտեց ամբողջ իր առաքելութեան միակ նպատակը՝ մարդոց հանդէպ սէրը: Այս շաբաթը, որ կը նկատուի տարուան ամենէն սուրբը, Աւագ կը կոչուի ու անոր իրաքանջիւր օրը կը կրէ նաեւ աւագ անունը: Այսպէս կան Աւագ երկուշաբթի, աւագ երեքշաբթի, աւագ չորեքշաբթի, աւագ հինգշաբթի, աւագ ուրբաթ եւ աւագ շաբաթ: Այս օրերէն իրաքանջիւրը կը յիշատակէ Յիսուսի կեանքէն առնուած մասնայատուկ դրուագ մը ու եկեղեցական խորհրդանշական արարողութիւններ կը մատուցուին անոնցմէն իրաքանջիւրին:

Աւագ Երկուշաբթի

Տերեւագարդ բայց անպտուղ թօզնիին անհիծման ինչպէս նաեւ տանարը մաքրելու օրն էր: Այս դրուագներուն մասին կը կարդանք հետեւեալ հատուածներուն մէջ.- Մատթէոս 21.12-23 եւ Մարկոս 11.12-19

Աւագ Երեքշաբթի

Այս օրուան մասին երկարօրէն կարելի է կարդալ Մատթէոս 21.23-էն սկսեալ: Աւետարանիչը կը ներկայացնէ Յիսուսի առակներէն մի քանին, ինչպէս Երկու որդիներու առակը, չար մշակներուն առակը, հարսանիքի հրաւիրեալներուն առակը: Այս օրուան ընթացքին է նաեւ որ Յիսուս բացատրութիւններ կու տայ հրեաներուն անոնց հարցումներուն շուրջ: Այս ատեն է որ Յիսուս կը փոխանցէ մեծագոյն պատուիրանը «Սիրէ՛ քու Տէր Աստուածդ ամբողջ սրտովդ, ամբողջ հոգիովդ եւ ամբողջ մտքովդ» եւ «Սիրէ՛ ընկերդ քու անձիդ պէս»:

Հ ա յ ա ս տ ա ն ե ա յ ց եկեղեցին Աւագ երեքշաբթի կը

յիշէ նաեւ տասը կոյսերու առակը եւ վերջին դատաստանի բացատրութիւնը:

Աւագ Չորեքշաբթի

Այս օրը Բեթանիայի մէջ կին մը թանկարժէք իւղով կ'օծէ Յիսուս, ինչ որ կը խորհրդանշէ Անոր շուտով հասնելիք մահը: Օծման կը յաջորդէ Յուդայի որոշումը Յիսուս մատնելու:





Յովնաթանեան

Գիտէի՞ր թէ...

Աւագ ուրբաթ օր որ աւագ շաբթուան ամենէն աւելի սուրբ օրն է պատարագ չի մատուցուիր: Ինչո՞ւ: Որովհետեւ այդ օր Յիսուս ի՛նք «պատարագուեցաւ»՝ այսինքն զոհուեցաւ խաչին վրայ, որպէս կենդանի զոհ:

Աւագ Շաբաթ


Դժոխքի աւերում եւ ճրագալոյցի պատարագի օր: Այդ երեկոյ եկեղեցւոյ վառած մոմերէն կը վառուին բազմաթիւ մոմեր եւ հաւատացեալներ այդ մոմին լոյսը կը բերեն իրենց տուները իբրեւ խորհրդանիշ Յիսուսի յարութեան ուրախ աւետիսին: Այդ երեկոյ վերջ կը գտնէ նաեւ Մեծ Պահքը:

Աւագ Հինգշաբթի

Վերջին ընթրիք, Սուրբ Հաղորդութեան խորհուրդի հաստատում եւ ոտնլուայ: Հինգշաբթի իրիկուն, ժամերգութենէն ետք կը կատարուի «խաւարում» կոչուող արարողութիւնը որուն ընթացքին խորանին վրայ կը վարին 12 մոմեր եւ մէկ մեծ մոմ կը դրուի անոնց կեդրոնը: Աւետարանի իւրաքանչիւր ընթերցումէ ետք կը մարուի մէկ մոմ, մինչեւ որ մնայ միայն մէջտեղի մեծ մոմը:

Աւագ Ուրբաթ

Յիսուսի ձերբակալութեան, խաչելութեան, մահուան ու թաղումի յիշատակի օրն է: Առաւօտեան կը կատարուի ժամերգութիւն ու կը կարդացուին Աւետարանէն հատուածներ որոնք կը բովանդակեն Յիսուսի երկրային կեանքի վերջին ժամերը:



Մինաս 1450

Գիտէի՞ր թէ...

Խաւարումի ընթացքին մէկ առ մէկ մարուող մոմերը կը խորհրդանշեն Յիսուսի աշակերտները որոնք մէկ առ մէկ լքեցին զինք, իսկ մէջտեղի մեծ մոմը որ արարողութեան աւարտին կը մնայ վառած՝ Քրիստոսը որ մնացած էր մինակ:

Անդաստան

Հայաստանեայց եկեղեցիէն ներս ա ս տ ու ա ծ ա պ ա շ տ ու թ ե ա ն արարողութիւնները բազմաթիւ բաժիններէ կը բաղկանան: Զատկուայ շրջանի նուիրուած եկեղեցական արարողութիւններուն շարքին կայ ծես մը որ իրայատուկ է իր ձեւին եւ իմաստին մէջ: Այդ Անդաստանն է:

Անդաստանը աշխարհի չորս ծագերու օրհներգութեան նուիրուած արարողութիւն մըն է: Ժամանակին ան կը նուիրուէր արտերու եւ անդաստաններու պտղաբերութեան համար: Այդ օրերուն, Անդաստանը կը կատարուէր եկեղեցիէն դուրս՝ արտերու եւ այգիներու մէջ: «Անդաստան ելլել» կամ «Անդաստան օրհնել» կը նշանակէր աշխարհի չորս կողմերը օրհնել: Արարողութեան ժամանակ, հոգեւոր դասը խաչով, խաչվառով եւ Աւետարանով երգելով կ'օրհներ արեւելքը եւ այդ կողմ գտնուող Հայոց հայրապետութիւնը՝ Սուրբ խաչի եւ Աւետարանի նշանով, յանուն Սուրբ երրորդութեան: Ապա կ'օրհնուէր եւ պահպանման խնդրանք կը ներկայացուէր աշխարհի արեւմտեան կողմի համար, ուր քրիստոնէայ թագաւորութիւններ եւ ազգեր կային: Դէմքերը դէպի հարաւ դարձնելով՝ կ'օրհնէին հարաւը, այնտեղ գտնուող երկիրները, անդաստանները եւ տարուան պտղաբերութիւնը: Դէպի Հիւսիս դառնալով կ'օրհնէին վերջապէս հիւսիսային կողմը գտնուող վանքերը, անապատները, քաղաքներն ու գիւղերը եւ անոնց

բնակիչները:

Ներկայիս Անդաստանը կը կատարուի եկեղեցիի ատեանէն ներս, այսինքն եկեղեցիին մէջտեղը: Գիրքի ընթերցումէն ետք, բոլոր ներկայ եկեղեցականները շուրջառնելով կը զգեստաւորուին: Հանդիսապետը խաչ ու գաւազան կ'առնէ ու կը կենայ եկեղեցիին մէջտեղը: Միւս եկեղեցականները կ'առնեն խաչ կամ Աւետարան, հանդիսաւոր օրերուն նաեւ այլ մասունքներ, եւ կը կենան հանդիսապետին կողքին, եկեղեցիին մէջտեղ, դէմքերը դարձած դէպի Արեւելք: Բուրվառակիր սարկաւազը, մոմակալները եւ միւս սարկաւազները վառած մոմեր բռնած կը տեղաւորուին ատեանի եզերքին, եկեղեցականներուն դիմաց դէմքերը դէպի Արեւմուտք: Իսկ դպիրները ձեռքերնին մէկական վառած մոմ՝ կը շարուին բեմին առջեւ, դէմքերը դէպի Արեւմուտք:

Պահուած բառ

ս	կ	ն	ղ	ս	ա	կ	ն	ր	ու	հ	ն
տ	հ	ր	ա	լ	ո	ո	տ	տ	ա	ու	
ե	ա	ո	ա	հ	ր	ր	ե	ն	ե	յ	ա
փ	լ	ու	ա	կ	ա	պ	ե	դ	գ	ր	ր
ա	ա	ն	ն	ե	ա	տ	ր	հ	տ	ե	ս
ն	տ	ի	վ	ր	է	պ	ա	ց	ու	ն	ա
ա	ք	զ	ա	բ	ա	ն	ա	կ	մ	ի	կ
կ	ե	պ	խ	ք	ու	ր	մ	շ	ղ	ք	տ
ե	ս	ա	լ	ա	ր	ա	յ	ր	տ	փ	ա
ր	շ	ու	շ	ա	ն	ս	ու	ր	օ	ի	զ
տ	ա	ն	կ	ա	խ	ս	դ	ն	ա	ղ	ա

ազատ
աւարայր
անվախ
անկախ
բանակ
զինուոր

կրակապաշտ
կրօն
հաւատք
հերոս
հայրենիք
հուր

նահատակ
նուարսակ
շուշան
սակ
սպարապետ
ստեփանակերտ

սուր
տղմուտ գետ
տուր
տօն
փիղ
քուրմ

Կրօնի առնչուող հայկական
անուններ

Զատիկ
Առաքել
Աւագ
Աւետիս
Համբարձում
Յարութիւն
Միւռն

Ը

«Քրիստոնէութիւնը հոգետիրումն է աշխարհին եւ նիւթեղէնին վրայ»

Կ

Այս խօսքը մեկնակէտ եւ սկզբունք առնելով է որ այս յօդուածներու շարքով կը կեդրոնանանք մեր նկարագրի բարեպաշտ եւ օրինակելի գծերուն վրայ, այլ խօսքով՝ մեր առաքինութիւններուն վրայ, որոնց միջոցաւ միայն կրնանք նիւթական աշխարհէն բարձրանալով հասնիլ հոգետիրին:

«Քրիստոնէութիւնը հոգետիրումն է աշխարհին եւ նիւթեղէնին վրայ», եւ քրիստոնէայից առաքինութիւններէն մէկն է ...

ա

Հաւատքը

ր

Այնպէս ինչպէս գիտութիւնը կը բացատրէ իմացական իրականութիւնները, այնպէս ալ հաւատքը կու գայ բացատրելու եւ մարդկայնօրէն «ըմբռնելի» դարձնելու գերբնական նկատուած երեւոյթները:

Իբրեւ ճշմարտութիւն ընդունելու կարողութիւն, բան մը որ չենք գիտեր եւ որուն մասին դրական ապացոյցներ չկան: Հաստատ համոզում:

Քրիստոնէական առումով՝ դաւանանք, կրօն:

ա

Անհաւատներ իրենք իրենց կը կոչեն «քննադատ միտքեր», «անկախ մտածողներ», «առարկայականութիւն ունեցողներ», սակայն իրենք գիրենք կը մերժեն հաւատքի անհրաժեշտ շնորհքէն:

«Քրիստոնէական հաւատքը երբ լեցնէ մարդու հոգին անկեղծ ներկայութեամբ մը, չի պարփակուիր անձին զգացումներուն եւ կեանքի պարունակին մէջ: Կը ճառագայթէ՝ լոյս ու ջերմութիւն ցանցելով իր շրջապատին վրայ:»

հ

Ծատեր հաւատքը կը նկատեն տկարութիւն որովհետեւ կը կարծեն թէ հաւատացեալը փախուստ տալով բնութեան եւ կեանքի դժուարութիւններէն կը կառչի իր հաւատքին: Սակայն ընդհակառակը ինչպէս Յովհաննէս առաքեալ ինքն ըսած է Հաւատքը յաղթութիւն է աշխարհի վրայ որովհետեւ նիւթական եւ աշխարհիկ հարստութիւնները արհամարհելով ոյժ կու տայ մարդուն հոգեկան հարստութեան:

ր

ՀԱԻԱՏՔ

Հաւատացեալ ըլլալ կը նշանակէ...

Հաւատալ առանց շօշափելի փաստերու
Վստահիլ Աստուծոյ հակառակ բոլոր հակասող երեւոյթներուն

Անձ մը որ ...հաւատացեալ է.- >

Անձ մը որ հաւատացեալ չէ.- >

Անկեղծ է
Վստահելի է
Ինքնավստահ է
Հաւատարիմ է
Համեստ է

Դիւրութեամբ կ'ընկճուի
Փորձութեան կ'ենթարկուի
Կը վախճայ
Ինքնավստահ չէ
Անապահով կը զգայ

Հարիրապետին ծառային բժշկութիւնը

Երբ Յիսուս Կափառնաում մտաւ, իրեն մօտեցաւ Հոնմայեցի հարիրապետ մը, որ կ'աղաչէր ըսելով.

- Տէ՛ր, ծառաս տունը անդամալոյծ վիճակի մէջ է եւ սաստիկ կը տառապի:
Յիսուս ըսաւ.

- Ես կուգամ ու կը բժշկեմ զայն:

Հարիրապետը պատասխանեց.

- Տէ՛ր, ես արժանի չեմ քեզ իմ յարկիս տակ ընդունելու. միայն բան մը ըսէ, եւ ծառաս պիտի առողջանայ: Որովհետեւ ես ալ, որպէս իշխանութեան ենթակայ մարդ, ձեռքիս տակ զինուորներ ունիմ. մէկուն կ'ըսեմ «Գնա՛», եւ կ'երթայ, ուրիշի մը կ'ըսեմ՝ «Եկո՛ւր», եւ կուգայ. ծառայիս կ'ըսեմ՝ «Այս բանը ըրէ», եւ կը կատարէ:

Յիսուս երբ լսեց, հիացաւ եւ իր հետետորդներուն ըսաւ.

- Կ'ըսեմ ձեզի, թէ նոյնիսկ Իսրայէլի մէջ այսպիսի հաւատք ունեցող մը չգտայ:....

Յետոյ Յիսուս հարիրապետին ըսաւ.

- Գնա՛, ինչպէս որ հաւատացիր՝ այդպէս թող ըլլայ քեզի:

Եւ նոյն վայրկեանին հարիրապետին ծառան բժշկուեցաւ:

Հարիրապետը ի՞նչ խնդրեց Յիսուսէն

ա. Զինք բժշկէ

բ. Ծառան բժշկէ

գ. Իրեն հաւատքի մասին սորվեցնէ

դ. Զինք թշնամիներէն ազատէ

Յիսուս ի՞նչ ուզեց ընել

ա. Հարիրապետին տունը այցելել

բ. Զինք ազատել

գ. Իրեն Աստուածաշունչը սորվեցնել

դ. Հարիրապետին հետը տանիլ

Ինչ է հաւատքը: Հաւատք՝ կը
նշանակէ վստահ ըլլալ այն բաներուն
որոնց կը յուսանք եւ համոզուած ըլլալ
այն բաներուն որոնք չեն երեւիր:

Երբայեցիներուն 11.1

Յիսուս Հարիրապետին ո՞ր յատկանիշով
տպաւորուեցաւ

ա. Հաւատքով

բ. Անհաւատութեամբ

գ. Հնազանդութեամբ

դ. Անհնազանդութեամբ

Մեծ Եղեռնի Նահատակներուն պատուիրանը

24 Ապրիլ 2003 ին Փարիզի մէջ՝ կատարուեցաւ բացումը Մեծ Եղեռնի Յուշակոթողի մը:

Այսօր, Մեծ Եղեռնէն 89 տարիներ ետք, մեզմէ իւրաքանչիւրը կոչուած է ըլլալու **կենդանի կոթող** մը եւ .-

- ապրելու **Հայակնիք** կեանք մը
 - ամուր կառչած մնալու մեր **Հայավայել** բարի բարքերուն
 - կարդալու եւ կեանքի վերածելու մեր **Հայագրեալ** Աստուածաշունչը
 - երգելու, մտիկ ընելու եւ լսելու մեր **Հայանուագ** շարականներն ու երգերը
- եւ մանաւանդ **սիրելու Հայը:**

Յիսուս ըսաւ.- «Նոր պատուիրան մը կու տամ ձեզի.-

Սիրեցէ՛ք իրար: Ինչպէս ես ձեզ սիրեցի՝ դուք ալ իրար սիրեցէք: Ձեր իրար սիրելով է որ մարդիկ պիտի գիտնան, թէ դուք իմ աշակերտներս էք:» **Յովհաննու 13:34,35**

Այս է մեր Մեծ Եղեռնի Նահատակներուն պատուիրանը. Նախ եւ առաջ, Սիրել Հայը:



Վար ինկած ծառին կացնաւոր կը շատնայ

Մարտ ամսուան պատասխանողներ եւ մասնակցողներ

Մանկապարտեզի անկիւն

Զատիկի, Երուսաղէմ, Յիսուս, արմաւենիի, Ովսաննա՛, Տիրոջ, Սուրբ, աւանակի

Նախակրթարան Ա. Բ. Գ. անկիւն

1. բ. 23 Փետրուարին
2. ա. Աշակերտները
3. բ. 2
4. բ. 3
5. գ. Յուդա
6. բ. 60,000
7. գ. 6
8. բ. Դրախտէն դուրս վտարուեցան
9. ա. Մեծ պահքէն առաջ
10. գ. 3

Նախակրթարան Դ. Ե. Զ. անկիւն

1. գ. Անտիոք
2. բ. Վարդան
3. ա. բ. եւ գ. Յիսուս մէջբերում մը ըրաւ Հին կտակարանէն ուր Աստուած Մովսէսի միջոցաւ ըսաւ ժողովուրդին
4. բ. խթում
5. ա. 451
6. ա. որովհետեւ չէին մասնակցած այդ ժողովին եւ հետագային մերժեցին այդ ժողովին որոշումները
7. բ. Յիսուսի այս աշխարհի նախորդող կեանքը
8. գ. Յակոբ
9. ա. Նշխար, բ. Մաս, գ. Մոմավառութիւն, դ. Խնկարկութիւն, ե. Երկրպագութիւն, գ. Մեծ Պահք
10. Բուն բարեկենդան, Արտաքսման, Անառակին, Տնտեսին, Դատաւորին, Գալստեան, Ծաղկազարդ, Զատիկ

Երկրորդականի անկիւն

1. Տնտեսի
2. Անառակին, Տնտեսին, Դատաւորին
3. Ղուկաս
4. 24
5. Ս. Ներսէս Ծնորհալի
6. 12րդ
7. Իմաստութիւն Հօր՝ Յիսուս

8. Պահապան ամենայնի Քրիստոս,
9. Տեսող ամենայնի,
10. Բնող գաղտնեաց

Ընդհանուրի անկիւն

- 1- բ. խունկ
- 2- ա. անդիմակ թշնամին
- 3- գ. բնակելու
- 4- դ. վերի բոլոր պատասխանները ճիշդ են
- 5- բ. Ս. Գրիգոր Լուսաւորիչ
- 6- բ. Սուրբ Երրորդութիւն
- 7- դ. աստուածաբանութիւն
- 8- ա. Ընդունէ, պահպանէ եւ ողորմէ
- 9- ա. ամպել ա
- 10- բ. ներն

Մարտ ամսուան մասնակցողներ

Մանկապարտեզ

Անսխալ պատասխանողներ

Սեւակ Պապիկեան, Ճեսիքա Մատթէոսեան, Կրէյս Նարեկեան, Ռիթա Մամիրոյեան, Դանիէլ Ակրեան, Թամար Տեմիրճեան, Արշակ Խշխշեան, Մհեր Պապեան, Արազ Գէպթանճեան:

Նախակրթարան Ա.Բ. Գ. անկիւն

Նաթալի Սեթեան, Գէորգ Պուլիքեան, Դալար Գէպթանճեան:

Անսխալ պատասխանողներ

Առէն Պապիկեան, Ալէք Կարապետեան, Ներսէս Նասոյեան, Հրայր Մատթէոսեան, Սերենա Քուլուքեան, Յարութ Քուլուքեան:

Նախակրթարան Դ.Ե.Զ. անկիւն

Քրիստինա Կարապետեան, Անի Մելեքեան, Թամար Զաքմաքճեան

Անսխալ պատասխանողներ

Լորա Սարիմանուկեան, Սեդրակ Մամիրոյեան, Գօգօ Մատթէոսեան

Երկրորդականի անկիւն

Լոռի Քէօսէյեան, Կարօ Կարապետեան, Թամար Գիգիրեան, Փօլ Գիգիրեան, Արալ Խաչատուրեան, Քրիստինա Լոշխանեան:

**Ո՞րն է ճիշդ պատասխանը
Մանկապարտեզի անկիւն**



**«Հոս չէ ան, որովհետեւ յարութիւն առաւ» «Այս տարի
Յարութեան Տօնը Ապրիլ --- ին է:»**

Ամբողջացո՛ւր ըստ Մատթէոս 28.1- 7

Մարիամ, Մարիամը, երկրաշարժ, հրեշտակը, քարը, նստաւ, սարսափեցան, մի՛ վախնաք, խաշուած, յարութիւն, ըսէք, առաջ, տեսնէք Ծաբաթ երեկոյէն ետք, երբ Կիրակին կը բացուէր, ----- Մագդաղենացին եւ միւս ----- գերեզմանը տեսնելու եկան: Յանկարծ զօրաւոր ----- մը եղաւ, եւ Աստուծոյ ----- երկինքէն իջնելով՝ գլորեց գերեզմանի մուտքին դրուած ----- եւ ----- անոր վրայ: Անոր տեսքը փայլակի կը նմանէր, եւ հագուստները ձիւնի պէս ճերմակ էին: Պահապանները երբ ասկա տեսան, ----- եւ մտելի պէս եղան: Հրեշտակը կիներուն ըսաւ « Դուք ----- . գիտե՛մ որ ----- Յիսուսը կը փնտռէք: Հոս չէ, որովհետեւ ----- առաւ ինչպէս ըսած էր: Եկէք եւ տեսէ՛ք այն տեղը ուր դրուած էր: Անմիջապէս գացէք եւ ----- իր աշակերտներուն՝ թէ յարութիւն առաւ: Անկէկա ձեզմէ ----- Գալիլիա կը հասնի եւ հոն պիտի ----- զինք. ահա ըսի ձեզի:

Գիտութիւնը կը հպարտացնէ մինչ սէրը հաւատքը կ'ամրապնդէ

**Ո՞րն է ճիշդ պատասխանը
Նախակրթարան Ա. Բ. եւ Գ. դասարաններու անկիւն**

1. Յիսուս իր աշակերտներուն ոտքերը լուսով ինչի՞ դաս մը տուաւ անոնց:

- ա. համբերութեան
- բ. մաքրութեան
- գ. խոնարհութեան
- դ. ծուլութեան

2. Վերջին ընթրիքին Յիսուս ի՞նչ հաստատեց:

- ա. Սուրբ հաղորդութիւնը
- բ. Սուրբ Սահակը
- գ. Սուրբ կեանքը
- դ. Սուրբ պսակը

3. Ո՞վ Յիսուսը ուրացաւ 3 անգամ:

- ա. Յակոբ
- բ. Պետրոս
- գ. Պօղոս
- դ. Յուդա

4. Յիսուս իր ձերբակալութենէն առաջ ի՞նչ կ'ընէր

- ա. կ' ուտէր
- բ. կը խմէր
- գ. կ' աղօթէր
- դ. կ' աշխատէր

5. Ամբողջացո՞ւր

Ե՛ս եմ եւ կեանքը:
Ան որ ինձի կը,
թէպէտեւ մեռնի՝ պիտի:
Յովհ. 11.25 :

6.- Տասնաբանեայ պատուիրաններէն ո՞ր մէկը կ'ըսէ «չըլլա՛յ որ սպանութիւն ընես»:

- ա.- վեցերորդը
- բ.- հինգերորդը
- գ.- առաջինը
- դ.- երկրորդը

7.- Պահքի ո՞ր կիրակին կը կոչուի Ծաղկազարդ «Առաջին հաշուելով Արտաքսման Կիրակին»:

- ա.- երկրորդ
- բ.- չորրորդ
- գ.- վեցերորդ
- դ.- երրորդ

8.- Ի՞նչ էր Ղուկաս Աւետարանիչի արհեստը:

- ա.- ատաղձագործութիւն
- բ.- բժշկութիւն
- գ.- ուսուցչութիւն
- դ.- ձկնորսութիւն

9.- Հսկումի ընթացքին ի՞նչ աղօթք կը կարդանք:

- ա.- Հաւատամք
- բ.- Առաւօտ լուսն
- գ.- Հաւատով խոստովանիմ
- դ.- Մատեան ողբերգութեան

10.- Ամբողջացու՛ր աղօթքը:

Ով Երկնային, ով - - - - - Դուն մեր -
- - - - - , Հայր բարի, տուր մեզի - - - ,
շնորհք ու - - - , իմաստութիւն եւ - - - - -
- - - :

Ո՞րն է ճիշդ պատասխանը Նախակրթարան Դ. Ե. եւ Զ. դասարաններու անկիւն

1.- Ե՞րբ կը տօնենք Սուրբ Քառասուն
մանկանց տօնը:

ա.- Մարտ 20

բ.- Ապրիլ 30

գ.- Միջինքին յաջորդող Ծաբաթ օրը

դ.- Մեծ պահքի 27-րդ օրը:

2.- Ու՞ր գրուած է « Մի՛ ընէք որեւէ բան որ
հակառակասիրութենէ կամ փառասիրութենէ
մղուած ըլլայ. այլ՝ խոնարհ ոգիով՝ ձեր
ընկերները ատելի լաւ համարեցէք քան դուք
ձեզ: Միայն դուք ձեզ մի՛ մտածէք, այլ նաեւ՝
ձեր ընկերոջ մասին»:

ա.- Փիլիպպեցիներուն 2.5

բ.- Մատթէոս 6.16

գ.- Եբրայեցիներուն 12.3

դ.- Մարկոս 6.7

3.- Անառակ Որդիին առակին մէջ, հայրը
քանի՞ զաւակ ունէր եւ ո՞ր զաւակը ուզեց
ունենալ հօր հարստութեան իր բաժինը:

ա.- երեք զաւակ ունէր եւ միջնեկ զաւակը
ուզեց ունենալ հարստութիւնը:

բ.- Երկու զաւակ ունէր եւ մեծ զաւակը ուզեց
ունենալ հարստութիւնը:

գ.- Երկու զաւակ ունէր եւ փոքր զաւակը
ուզեց ունենալ հարստութիւնը:

դ.- չորս զաւակ ունէր եւ փոքր զաւակը ուզեց
ունենալ հարստութիւնը:

4.- Որու՞ համար գրուած է այս Ծարականը
«Աստուածային սիրով մեզի հոգեւոր ծնունդ
տուիր, Գորովագութ Հայր պանծալի, Գրիգոր
Հայրապետ, Մարմնիդ չարչարանքով մեզ
մեղքի աղտէն մաքրեցիր, Լուսաւոր
քարոզութեամբդ որդիներ ծնար:»

ա.- Գրիգոր Նարեկացիի համար:

բ.- Գրիգոր Լուսաւորիչի համար:

գ.- Գրիգոր Զոհրապի համար:

դ.- Մեսրոպ Մաշտոցի մասին:

5.- Ո՞վ էր Քառասուն Մանուկները
չարչարողը:

ա.- Լիկիանոս

բ.- Կոստանդիանոս

գ.- Օգոստոս

դ.- Ներոն

6.- Հետեւեալներէն որո՞նք Յիսուսի քովն էին
իր խաչելութեան ընթացքին:

ա.- Յովհաննէս եւ մայրը Մարիամ

բ.- Պետրոս եւ Յովհաննէս

գ.- Յովհաննէս

դ.- Յակոբոս եւ Պետրոս

7.- Աւագ Ծաբաթ կը կոչուի

ա.- Ս. Ծնունդին յաջորդող շաբաթը

բ.- Ծաղկազարդին յաջորդող շաբաթը

գ.- Ս. Զատիկէն մինչեւ Համբարձում

դ.- Ս. Զատիկի նախորդող շաբաթը

8.- Աւագ Ծաբթուայ իւրաքանչիւր օր ունի
յիշատակ մը:

Աւագ Երկուշաբթի -----

Աւագ Երկուշաբթի -----

Աւագ Զորեքշաբթի -----

9.- Աւագ Ծաբթուայ իւրաքանչիւր օր ունի
յիշատակ մը:

Աւագ Հինգշաբթի -----

Աւագ Ուրբաթ -----

10.- Աւագ Ծաբաթ օրը կը կոչուի Ծրագալուց
Ս. Զատիկ, իսկ Ս. Զատիկը Յիշատակն է
Յիսուսի Յարութեան: Ս. Զատկուայ յաջորդող
Երկուշաբթին յիշատակն է
-----:

**Ո՞րն է ճիշդ պատասխանը
Երկրորդականի անկիւն**

1- Ի՞նչ կը կոչուի Ս. Զատկուան
յաջորդող 3 կիրակիները:
ա.- ----- Կիրակի
բ.- ----- Կիրակի
գ.- ----- Կիրակի

2- ըստ Գրիգոր Տաթևացին հակիրճը
խորհրդանշէ աշխարհը՝ հետեւեալ
ձեւով:
ա. Կեղեւը՝ -----
բ. Մաշկը՝ -----
գ. Ծերմկուցը՝ -----
դ. Դեղնուցը՝ -----

3-Կարմիր գոյնով ներկուած հակիրճը
կը նշանակէ թէ՛

4-14 Հարցումներուն համար.
Հետեւեալ դէպքերը Աւագ շաբթուան
ընթացքին ո՞ր օրը տեղի ունեցան:

4-Յիսուս մաքրագործեց Տաճարը
աւագ ----- օրը:

5-Այրին որ տաճարին մէջ իր
ունեցած երկու լուման տուաւ աւագ
----- օրը:

6-Յիսուս լացաւ Երուսաղէմի վրայ

աւագ ----- օրը:
7-Յիսուս պատմեց տասը կոյսերուն
առակը աւագ -----
օրը:

8-Յուդա յանձն առաւ Յիսուսը մատնել
աւագ ----- օրը:

9-Զատկական ընթրիքը տեղի ունեցաւ
աւագ ----- օրը:

10-Աշակերտներուն ոտքերու
լուացումը տեղի ունեցաւ աւագ
----- օրը:

11-Պետրոսի ուրացումը տեղի ունեցաւ
աւագ ----- օրը:

12-Յիսուս աղօթեց Գեթսեմանիի
պարտէզին մէջ աւագ
----- օրը:

13-Յիսուս խաչուեցաւ աւագ
----- օրը:

14-Երկինքը խաւարեցաւ երեք ժամ
աւագ ----- օրը:

15-Կիրակի օրերը Քրիստոսի
յարութեանէն առաջ կը կոչուէին՝
----- :

Ո՞րն է ճիշդ պատասխանը Ընդհանուրի անկիւն

1- Ունելուայի արարողութիւնը կը

խորհրդանշէ.-

ա- մաքրութիւն

բ- խոնարհութիւն

գ- բարիք

դ- ընկերասիրութիւն

2- Եկեղեցւոյ ո՞ր բաժինը կը կոչուի
աւանդատուն.-

ա- խորանի կից սենեակը

բ- մուտքին մոմ վաճառելու սենեակը

գ- երկրորդ յարկի վրայ գտնուող
տարածութիւնը

դ- աւանդատունը եկեղեցւոյ բաժին չէ

3- Քրիստոս յարեալ ի մեռելոց.-

ա- Օրհնեալ է յայտնութիւնը Քրիստոսի

բ- Ձեզի մեզի մեծ աւետիս

գ- Ամէն

դ- Օրհնեալ է յարութիւնը Քրիստոսի

4- Մարգարէն.-

ա- Աստուծոյ անունով կը խօսի

բ- կը գուշակէ

գ- աստուածային լուսաւորութիւն ունի

դ- բոլոր վերի պատասխանները

5- Զիթենեաց պարտէզը, որուն մէջ
մատնուեցաւ Յիսուս, կը գտնուի.-

ա- Գողգոթա

բ- Բեթանիա

գ- Գեթսեմանի

դ- Բեթլեհեմ

6- Քրիստոսի ամենէն մեծ պարուիրանն էր.-

ա- Սիրէ ընկերդ անձիդ պէս

բ- Յարգէ հայրդ ու մայրդ

գ- Մի ստեր

դ- Անդադար աղօթէ

7- Նժդեմ անունը կը նշանակէ.-

ա- Քաջ մարդ

բ- Կրակի կտոր

գ- բարեսիրտ

դ- պանդուխտ

8- Ծնունդն ու Զատիկը նախորդող օրուան
եկեղեցական արարողութիւնը կը կոչուի.-

ա- Պատարագ

բ- Ծրագալոյց

գ- Կարգ թաղման

դ- Ունելուայ

9- Ըստ Սաղմոսի 37[36]-ին, «Սիրող մի՛
նեղեր չարերուն համար, ոչ ալ նախանձէ»...

ա- հարուստ մարդոց

բ- անօրէն մարդոց

գ- չարամիտ մարդոց

դ- անհաւատ մարդոց


10- Թիւով քանի էին իմաստուն կոյսերը
որոնք իրենց լապտերներով Տէրը պիտի
ընդունէին.-

ա- 5

բ- 2

գ- 10

դ- 40



Կազմակերպութեամբ՝
Գանատայի Ազգային Առաջնորդարանի
Զրիստոնէական Դաստիարակութեան Խորհուրդին

Հովանաւորութեամբ՝
Տ. Խաժակ Ս. Արքեպիսկոպոս Յակոբեանի
Առաջնորդ Գանատայի Հայոց Թեմին

Տեղի պիտի ունենայ **Մայիս 1, 2004-ին**
 Երեկոյեան ժամը 6:30-ին
 Ս. Յակոբ Ազգային Վարժարանի
 Բաադրմաճեան Սրահին մէջ

<p><input type="checkbox"/> Խումբ թիւ 1 (1995 - 1996 - 1997-ի Ծնունդ)</p> <p><u>Պարտադիր</u></p> <p><input type="checkbox"/> Ասմունք .- «Տէրն է Հովիւս» (Սաղմոս 22 (23), նոր աշխարհաբար թարգմանութիւն)</p> <p><input type="checkbox"/> Երգ .- «Զրիստոս ի մէջ մեր յայտնեցաւ»</p> <p><u>Ազատ</u></p> <p>_____</p>
<p><input type="checkbox"/> Խումբ թիւ 2 (1992 - 1993 - 1994-ի Ծնունդ)</p> <p><u>Պարտադիր</u></p> <p><input type="checkbox"/> Ասմունք .- «Հաւատով Խոստովանիմ» (Առաջին 3 տուներ, գրաբար)</p> <p><input type="checkbox"/> Երգ .- «Կիլիկիա» (Առաջին տուն)</p> <p><u>Ազատ</u></p> <p>_____</p> <p>_____</p>
<p><input type="checkbox"/> Խումբ թիւ 3 (1991-ի Ծնունդ, 13 տարեկան եւ վեր)</p> <p><u>Պարտադիր</u></p> <p><input type="checkbox"/> Ասմունք .- «Հաւատամք» (գրաբար)</p> <p><input type="checkbox"/> Երգ .- «Առաւօտ Լուսոյ» (Առաջին 2 տուներ, միևնույն «դասեցո վերնոցն»)</p> <p><u>Ազատ</u></p> <p>_____</p> <p>_____</p>

Բոլոր անոնք որոնք կը փափաքին մասնակցիլ սոյն մրցանքին, կը խնդրենք որ կապ հաստատեն Զրիստոնէական Դաստիարակութեան Խորհուրդին հետ 514-856-1200 թիւին եւ կամ գրեն armenianprelacy@ca.inter.net հասցէին:

Կարճ Լուրեր

• Նուիրատուիժին

Շնորհակալութեամբ ստացանք **Բրշ. Յակոբ Ա. Սրկ.**

Գասպարեանէն 24 խաղ-նուէրներ առ ի գնահատանք Կիրակնօրեայ Դպրոցի աշակերտներուն «Հաւատով Խոստովանիմ» աղօթքի արտասանութեան **Ս. Յակոբ Մայր Եկեղեցւոյ Չորեքշաբթի օրերու** հսկումի արարողութեան ընթացքին: Խաղ-նուէրները տրուեցան մասնակցող աշակերտներուն:

• **Ամէն Շաբաթ** օր երեկոյեան ժամը 7:00 ին **Աստուածաշունչի**

Սերտողութիւն Երիտասարդներուն համար Ս. Յակոբ Մայր Եկեղեցի:

• **Դասախօսութիւն** "THE BIBLE, Fact or Fiction (Genesis, Exodus)"

Հինգշաբթի, **Ապրիլ 22 2004** ի երեկոյեան ժամը 8:00 ին **Ա. Ահարոնեան Սրահ**

«Մաշտոցի Արձագանգ»ի Խմբագրական կազմ
Խմբագիր՝ Ծաղիկ Պոյաճեան
Աշխատակիցներ՝ Յասմիկ Նաճարեան, Երան Լոշխաճեան, Գարուիկ Գէպթանճեան, Նիկոլ Դանիէլեան եւ Թորոս Պապիկեան:

«Ճաշու աւետարան»ը

Կը գտնուի նաեւ համացանցի (internet) վրայ: Այցելեցէ՛ք www.sourphagop.org, ձախ կողմի կոճակներէն «Ճաշու աւետարան»ը ձեզ կ'ուղղէ դէպի ամսուան իւրաքանչիւր օրուան Ճաշու Աւետարանի հատուածները...

«ՄԱՇՏՈՑԻ ԱՐՁԱԳԱՆԳ»ը

Կը գտնուի նաեւ համացանցի (internet) վրայ: Այցելեցէ՛ք www.sourphagop.org, ձախ կողմի կոճակներէն «Պարբերաթերթ»ը ձեզ կ'ուղղէ դէպի ներկայ եւ նախկին թիւերը...

Սուրբ Յակոբ Հայց. Առաք. Մայր Եկեղեցւոյ Կիրակնօրեայ դպրոցի կամաւոր խմբակը.- Ուսուցիչներ՝ Իզապէլ Քուլլութեան, Սայրի Բակլաեան, Վերժին Գէպթանճեան, Վերա Կարապետեան, Երան Լոշխաճեան, Գարուիկ Գէպթանճեան, Յասմիկ Նաճարեան, Ծողիկ Նաճարեան, Աշխէն Իշխանեան, Յասմիկ Գանաճեան, Տնօրէն՝ Թորոս Պապիկեան, Կալքէջ՝ Բաֆֆի Պապիկեան, Լուսանկարիչ՝ Նիկոլ Դանիէլեան, Պարբերաթերթ՝ Ծաղիկ Պոյաճեան: